



Nasjonalparkstyret
for Jotunheimen
og Utladalen

Møteprotokoll

Utval: Nasjonalparkstyret for Jotunheimen og Utladalen

Møtestad: Teams

Dato: 10.03.2025

Tidspunkt: 09:00 - 10:00

Følgjande faste medlemmer møtte:

Namn	Funksjon	Representerer
Leif Solemsli	Leder	VANG
Harald Sve Bjørndal	Medlem	VÅGÅ
Marit Sletten	Medlem	LOM
Trude Brosvik	Medlem	VLFK
Geir Arve Sandvik	Medlem	LUSTER
Christian Sønstlien	Nestleder	ÅRDAL

Følgjande medlemmer hadde meldt forfall:

Namn	Funksjon	Representerer
Åse Harjo Øvstegård	Medlem	IFK

Følgjande varamedlemmer møtte:

Namn	Møtte for	Representerer
------	-----------	---------------

Merknader:

Vi fekk ikkje melding om forfall frå Harjo Øvstegård, så vararepresentant var ikkje innkalla. Øvstegård var også varsla om møtet ved SMS.

Stein Windingstad møtte som respresentant for SNO.

Andre frammøtte:

Namn
Eldrid Nedrelo
Kari Sveen

Underskrift:

Vi stadfester med underskriftene våre at det som er ført på dei sidene vi har signert i møteboka, er i samsvar med det som blei vedteke på møtet.

Leif Solemsli

Trude Brosvik

Saksliste

Utvalgs-saksnr	Innhold	Lukket	Arkiv-saksnr
ST 9/2025	Godkjenning av innkalling og dagsorden		
ST 10/2025	Referatsaker		
ST 11/2025	Delegerte vedtak		
4/2025	Delegert vedtak - Dispensasjon - Jotunheimen NP - Opprusting og utviding av Memurubu Kraftverk - Revidert Motorferdselplan 2025-2027 - Kjetil Sveine - Kleppconsult AS		2018/618
ST 12/2025	Nasjonalparkstyret for Jotunheimen og Utladalen - midlar til tiltak i verneområde - naturrestaurering - SNO-ressursar - 2025		2024/12570
ST 13/2025	Utladalen LVO - Utsiktspunkt Vettisfossen - Forvaltning, drift og vedlikehald (FDV)		2025/1849
ST 14/2025	Eventuelt		

ST 9/2025 Godkjenning av innkalling og dagsorden

Saksprotokoll i Nasjonalparkstyret for Jotunheimen og Utladalen - 10.03.2025

Behandling

Vedtak

Innkalling og dagsorden godkjent.

Trude Brosvik vart vald til å skrive under protokollen saman med styreleiar.

ST 10/2025 Referatsaker

Saksprotokoll i Nasjonalparkstyret for Jotunheimen og Utladalen - 10.03.2025

Behandling

Student frå NMBU med praksisplass på forvaltningsknutepunkt Gaupne er med som tilhøyrar på møtet.

Vedtak

Det var ingen andre referatsaker på dagsorden.

ST 11/2025 Delegerte vedtak

Saksprotokoll i Nasjonalparkstyret for Jotunheimen og Utladalen - 10.03.2025

Behandling

Nasjonalparkforvaltar orienterte om at framdrifta på Memurubu kraftverk er forseinka som følgje av mykje nedbør og vanskelege driftsforhold i 2024. Motorferdselsplanen er dermed endra i høve til dette, og dette betyr at planlagt slutføring blir 2027 i staden for 2026 som stod i opphavleg plan. Innhaldet er i hovudtrekk lik samla motorferdselsplan som vart godkjent av styret i 2023, men med endringar i tidsrom og ei endring i å flytte noko av materialtransporten frå sommar- til vintertransport. Med transport på vinterføre i staden for bruk av lekter på Gjende sommarstid, vil ein få utstyret rett opp mot anleggsområdet - utan ekstra omlasting og køyring på berrmark.

Vedtak

Delegert vedtak vart teke til orientering.

ST 12/2025 Nasjonalparkstyret for Jotunheimen og Utladalen - midlar til tiltak i verneområde - naturrestaurering - SNO-ressursar - 2025

Innstilling frå forvaltar

Det vart søkt om totalt 1.825.000 kroner, fordelt på 1.115.000 til tiltak i forvaltningsbudsjettet og 710.000 til skjøtsel (SNO-budsjett). Skjøtselstiltak under SNO-budsjett er innvilga fullt ut. Nasjonalparkstyret for Jotunheimen og Utladalen registrerer at tildelt beløp 900.000 for tiltak med tilrettelegging ligg på ca. 80 % av innmeldt behov/søknad. Jotunheimen er eit svært trafikkert område med stort behov for tilrettelegging og stiskjøtsel for å førebyggje og reparere erosjonsskader. Det kan verta behov for å søke om tilleggsmidlar til tiltak dersom det blir opna for dette i løpet av året.

1. Nasjonalparkstyret tek til orientering løyvingane til drift av styre og til planarbeid.

Drift av Nasjonalparkstyret for Jotunheimen og Utladalen	kr. 340.000
Arbeid med forvaltningsplan / besøksstrategi	kr. 80.000
Grunnstøtte drift	kr. 100.000*
Sum løyving under post 14.20.21	kr. 520.000

- 2.Grunnstøtte drift på 100.000* løyvd over post 14.20.21 – skisse til fordeling
Kan bli justert/endra, basert på behovsvurderingar undervegs gjennom året.

Vedlikehalde og supplere tilrettelegging – jf. besøksstrategien	100.000
Vedlikehald og mindre tiltak ved innfallsportane - Utkikkspunkt Sognefjellet, kanalisering / oppgrusing av tilrettelagt sti - Stell av området ved innfallsport til Utladalen (avtale besøkscenter) - Utsiktspunkt Vettisfossen - Forvaltning/Drift /Vedlikehald	60.000
Årlege driftskostnader på etablerte tiltak - Drift innfallsport Veodalen (tømming av utedo og søppel) - Drift ved Sognefjellshytta, demontering og oppsett av rekkverk - Tilsyn/vedlikehald av boltar/kjetting - Bukkelægeret og Besseggstien	20.000
Til disposisjon, vedlikehald/drift elles	20.000

- 3.Drift av sekretariatet inngår i budsjettramme for Statsforvaltarane i Innlandet og Vestland.
Nasjonalparkstyret legg til grunn at løyvingane til sekretariat blir tilpassa det behovet ein har for å kunne følgje opp arbeidet med kunnskapsbasert forvaltning av verneområda. Styret finn det uheldig dersom budsjettet ikkje gjev rom for å følgje opp med nødvendige synfaringar og deltaking på møte og samlingar som krev reiser. Budsjettet må ta høgde for at deltaking på landsdekkande fagsamlingar som kan krevje flyreiser og ekstra overnattingar – dette gjeld særleg for stillinga plassert på vestsida.
- 4.Nasjonalparkstyret for Jotunheimen og Utladalen prioriterer dei 900.000 kr. i tiltaksmidlar som er løyvd med økonomiansvar hos forvaltninga for 2025 slik:

A. Skilt, informasjonstiltak	
Natursti Gjendeosen-Hamnsanden. Startskilt natursti Utladalen	75.000
Utsifting og fornying av tavler ved innfallsportar	50.000
Informasjonsplakatar Fortun	50.000
B. Vedlikehald av stinettet i Jotunheimen og Utladalen	
Oppgradering og sikringstiltak på sti Vetti-Vettismorki	325.000
Stiltak Gjendebuområdet, mot Storådalen og Veslådalen	225.000
Forprosjekt og strakstiltak Bessegg-stien opp frå Memurubu	50.000
Sikringstiltak Bukkelægeret og Veslløyfte - skifte boltar, forlenge kjetting	50.000
FDV-plan for sikringstiltak Jotunheimen og Utladalen	50.000
C. Skjøtsel	
Styrt beite ved Gjendebu (geit)	25.000

Forvaltarane har fullmakt til å gjera mindre interne omprioriteringar mellom tiltak dersom det blir meir eller mindre forbruk enn stipulert. Styret blir orientert i påfølgjande møte.

- 5.Skjøtelsmidlar forvalta av SNO-Jotunheimen er tildelt i tråd med søknaden:

Slått på Skåri, Avdalen og Vetti (heimre Utladalen)	300.000
Styrt beite på Skåri, Avdalen og Vetti (heimre Utladalen)	200.000
Styving/rising av alm og lind i heimre Utladalen	60.000
Krattrydding/vedlikehald kulturlandskap Øvre Utladalen	40.000
Styrt beiting (storfe) i Gjendebuområdet	110.000
Kratt-/skogrydding Gjendebuområdet. Overført tenestekjøp SNO-fjellstyret	0
Slått av kve ved Gjendebu, annakvart år. Sist utført 2024. Ikkje slått i 2025	0

SNO og forvaltarane har fullmakt til å gjera mindre interne omprioriteringar ved behov.

6. Plassering av dei tildelte ferdselsteljarane (eco-counter) blir prioritert slik:

- 1) Teljing ved Vetti opp mot Vettismorki, for å følgje utviklinga på tal besøkande før og etter tilrettelegging med nytt utsiktspunkt og ny sjølvbeteningsshytte på Vettismorki.
- 2) Knutshøe, for å få oppdaterte tal i eit område med ferdselsutfordringar og forsøk på styring av ferdsel til etter 1. juli gjennom pilotprosjekt i UT.no.
- 3) Skagastølsdalen, for å få eit inntrykk av tal besøkande inn mot Hurrungane / Vest-Jotunheimen i sommarhalvåret
- 4) Galdhøpiggen frå Juvflye, for å få eit inntrykk av samla ferdsel mot Piggen på berrmark.
- 5) Vesleløyfte, Besseggenstien. Teljing på same plass som 2017-24, for å kunne følgje utviklinga ved Nasjonal Turiststi Besseggen over ein lengre periode.

--- slutt på innstilling ---

Saksprotokoll i Nasjonalparkstyret for Jotunheimen og Utladalen - 10.03.2025

Behandling

Svar på spørsmål/merknader i diskusjonen:

Det er ikkje berre Jotunheimen som får mindre enn det er søkt om. Det er variasjonar frå år til år, og vi har fått veldig god utteljing på våre store prosjekt tidlegare. Søknad om ekstra ressursar i løpet av året kan t.d. vera aktuelt om det viser seg at kostnadene på eit tiltak vert vesentleg høgare enn budsjettert, eller om det oppstår særlege behov i løpet av sesongen, som t.d. erosjon på stinettet eller øydelegging av ei bru el.

Nasjonalparkstyret kan ikkje bruke tildelte midlar til tilskott til andre aktørar. Men vi kan bidra med medfinansiering av konkrete tiltak der slik medverknad t.d. kan ivareta fleire brukarinteresser. Døme på slike saker er bidrag for delvis dekning av meirkostnader med å endre DNT-bru over Blåtjønnåe frå hengebru til trebru som også kan nyttast av beitenæringa, og tilpassing av DNT-brua over Storåe ved Gjendebu for trygg passasje for beitedyra i området.

Vedtak

Som innstillinga. Samrøystes.

ST 13/2025 Utladalen LVO - Utsiktspunkt Vettisfossen - Forvaltning, drift og vedlikehald (FDV)

Innstilling frå forvaltar

Nasjonalparkstyret for Jotunheimen og Utladalen sluttar seg til at det blir inngått to avtalar for forvaltning, drift og vedlikehald (FDV) for anlegget ved Utsiktspunkt Vettisfossen.

Utsiktspunktet skal følgjast opp ved årleg synfaring og gjennomgang av anlegget slik det er skildra i instruksen. Det skal gjerast avtale med fagperson for inspeksjon og gjennomgang av anlegget kvar vår, og med ein lokal aktør for jamleg tilsyn gjennom sesongen. Detaljar i instruksen, som kor ofte anlegget skal inspiserast, kan bli justert i samråd med prosjekterande/byggeleiar etter garantisynfaringa. Forvaltarane kan føreta justering av instruksen i samsvar med råd/tilbakemelding frå aktørane som inspiserer anlegget. Styret blir orientert i påfølgjande møte.

Det skal setjast av årlege driftsmidlar til oppfølging av instruksen, føresett løyving av driftsmidlar til nasjonalparkstyret over post 142021-21 i statsbudsjettet.

--- slutt på innstilling ---

Saksprotokoll i Nasjonalparkstyret for Jotunheimen og Utladalen - 10.03.2025

Behandling

Det er planlagt garantisynfaring 15. mai. Dei av styret som har anledning blir inviterte med på synfaringa.

Vedtak

Som innstillinga. Samrøystes.

ST 14/2025 Eventuelt

Saksprotokoll i Nasjonalparkstyret for Jotunheimen og Utladalen - 10.03.2025

Behandling

Nasjonalparkforvaltar Eldrid Nedrelo orienterte om avtale med Høgskulen i Vestland som vart gjort på slutten av året 2024 for innhenting av kunnskap om ferdsel i Hurrungane på vinteren. Ferdsel blir registrert via såkalla sjekkpunkt, to stk. vinteren 2024/2025, og fire til i toptursesongen våren 2025. Dette vil vera verdifull kunnskap som og kan nyttast i samband med det nyleg oppstarta arbeidet med tolegrenseanalyse - jf. bestilling til kommunane frå Visit Sognefjord.

Vedtak

Det vart sett 1 time til førebuing.